

OMUKUETU

No: 18

ESIKU 15 lja SEPTEMBER

1939

■ X · X · X · X · X · X · X ■ X · X · X · X · X · X ■ X · X · X · X · X · X ■ X · X · X · X · X · X ■

Omukanka guehupiso.

1 Kor. 3: 10, 11.

Uanaua uo pansitue kau uapa okualuza omueño. Ealuko neopalekeko ljojne ljo muntu, ngašika uuziginini ue uomiilongua n.s t., ouo uuvuelela uomueño, ngele ua zi ouala muanaua uo pansitue—ha mu Kristus. Uanaua uopansitue kau vulu okutungila omuntu onguuo taji guana okusikila ohoni je kaku nošinima šilue ši uape oku ši ninga, aue taši vulika kuujuki auke ua Kristus.

Šaa šoka ša tungua kuuanaua nokuujuuki nenge kuulazi uo pansitue, ošo iinaš nu ji nokuhulua po, Kristus a uape oku tu zalekiša uujuuki ue. Omizalo azihezihe zuušitue satana te zi jugu e ta šigi po omueño a kale ouala kagu nomizalo no kagu nešigo li mü gamene kondjahi ja Kalunga. Uušitue kau vulu okueta nando ša, ši kale ši šike pokata kamue kesiloheš nda, ši sinde uulunde no ši tu kuase oku ka tala Kristus ošipala esiku lje: Ongoje to hempulula ukriste no ua kala meiuvo ljoohapu za Kalunga e to galikana, e to tamba Uulalelo Uujapuki, ihe nuuziginini mbuka to uapa okuhepelela ombili. Itonaš tela šili! Pamue ino mona natango ejololo ndjoka li li pokati kuvanaua nokuujuuki uulue nomuujuni mbuka no ka Kristus, no nkene ponto jeazimo ljohoole no ljesiloheš nda lje ombujaka auhe tau ka ninga omü toko guouala. Jes. 2: 17.

Ngele ua tala šili Kristus, ua tala muje esilohenda nuujuuki uaa noongamba, oua mbualangandja u vule uulunde noluhepo aluheluhe. Ngele ua tala šili Kristus oto uapa okuljatagula uujuuki auhe no uaantu no uaajengeli, ošoka ouo iijagaja jouala, kau uapa oku ku opaleka, u ka opalele Kalunga. Ngele ua tala Kristus nena, nando u peue uujuni auhe, ino hala ue okukala ku mü na nando, 1 Kor. 2: 2. Ngele oho taalele Kristus ongoje u luate: oje emanaš eleleka, e vule nuujuuki uoje, e vule, Satana nuulunde, Eps. 61: 3, nemaña ndika lja kala pungoje, 1 Kor. 10: 4. no tamu zi

aluhe omata gomagaži gooñuši, nesilohenda tali ku paluša Eps. 81: 17. Ikonakona u tale: oua taalele tuu šito Kristus ongOmümuana omüvalua auike gua He oku uža esilohenda nošili, Joh. 1: 14, 16, 17.

Kondja šili okuja ku Kristus, u šikame kemaña ljaluhe, ngu tale šili: ngoje ua laš ndula ehijo lie e li tumine omueño guoje, ngu zimbulule uo šili: ngoje ue mü zama, u ka ninge omüjuuki šili.

Omafano ogo ga fa oohapu zomajele. ngaši oohapu zomajele hazi fatula naua oondunge žiili no žiili, ošo nomafano uo. Nefano ndika to mono omüvu ta lala montala je. Pu je pua šikama omüjengeli gua Kalunga, e mü tonatele naua.

Miikogo no moluiši ta mu holama omüjengeli gua satana, a za komuvu ngoka, a šengua oku mü tiliša koompango no kooš ndunge zuujuni, ošoka omuntu ngoka a kala momükanka gua kola, mu Kristus muene.

Omuntu okua hulua omizalo ze mueš ne, ta ji nolutu louala kuhe jomegulu, ngoš ka e mü tegelela nuujelele ouindji.

x.



OSINGE JAASUOMI.

Suomi ši li kokulekule kombanda jii-
longo ajihe luo kuumbangalantu nkuii.
Konima jašo kaku na ue nando ošilongo
nando šimue, omeja ageke giikangua jago
juutalala. Pešimbo ljuutalalaelela evi alihe
ndijaka lja siikilua komeja giikangua. No-
miti ze ga zala za toka to, šaa omvula ja lo-
ko. Ombepo nge ja geja, nomiti tazi šika-
šikua kujo, omeja omakukutu taga gu
ko kuzo, nomiti zi li ouala ngaši ominkete
miilongo muno, manga inazi eta iifo. Ke-
hulilo ljošilongo, koongamba zo "konori",
netango tali kala lja ningina oomuezi mbali
itali piti nando.

Ihe, etango šo lja tameke okuheza ko,
ošinge taji endelele okuja mo mošilongo
ašihe. Omilonga, nomatale, nomafuta taga
siikuluka, omeja go gene taga holoka, nevi
niimeno jaljo taji ja puujelele. Niivike ji-
mue ajike, omapja no ga ningi išeue oma-
nenguni, no taga longua no taga kunua
iilja niimeno ikuauo ojindji. Nomvula šo
ja loko omeja gogene, aanamapja taa lo-
ngo iilonga jauo neñañu. Uukambe tau
hili omatemo gokupapula omapja, no tau
tutu uuhoho ošn. Ošinge ojo ešimbo ljuu-
jelele no ljeñañu ljaasuomi.

Ihe, ha omolu iinima mbjoka ajike.
Ošinge haji hija aantu ja longe iilonga jo-
komueño uo, ja longe mepja ljokoomueño.
Omoongerki aantu haa gongala ja kuma-
gizašane no ja kumizašane okuzigininina
ondjila jelago ljaluhe. Ihe, tango tango ojo
je hoole okugongala mongerki ja Kalunga
ja tungua ku je muene, moongundu zomiti
za ziza naua, pokati komüuizi, no koonga-
la ožindji. Omo taa hambelele Kalunga,
taa šigašana nokuimba pamue nuuzila hau
lili naua.

Pešimbo ndika okufu kua tameke oku-
heza ko. Iifo omajuvi nomajuvi ja naña-
ngizua miiñañangizo omašele nomašele, ha-
ji hokolola ngašingeji šoka aañoli ju uvu
no ja mono miigongi mbjoka ojindji. Ano
omboka inaa mona eha okuja kiigongi ii-
nene haje ji leša miifo no taa nañukilua
uuanaua mboka aantu je u mono mujo.
Na mboka jo jene ja li ko, taa leša ji izi-
mbuluše naua ašihe šoka je ši uvu.

Aatumi joohapu za Kalunga ja gonga-
la uo miigongi jauo. Omo ja galikanene
aatumua jauo naakriste jokomavi gaapagani
nošo uo aapagani. Aantu omajuvi nomaju-
vi ja galikanene auuambo uo, ojo ja ninge
aakriste ja šili. Oku na mboka je ku
zimbulukua, ongoje ngo to leša nzika. Ojo
uo ja gongele omagano gauo, ongalo jetu-

mo, aatumua ja tumue natango.

Ihe, ošinge ndjika ja ji, je eta kojendji
elaka lja Kalunga, ojo ji išanua kuje, je
mü longele mokukala kuauo akuhe. Ojo
ja holama momiti muuike, ja pula Kalunga:
"Ua hala okutaamba ndje uo, ua hala oku-
tuma ndje uo. Ngele ngeji, otandi ti: Onga-
me ngu, itandi vulu oku ku tinda."

Ojo no ja peua eñañu enene. Ojo ka-
je ši ue jauo jene, ojo je nOmüene omü-
nene Jesus Kristus. Oje eñañu ljauo, nela-
go ljauo. Omolu ohole je taa hala okušiga
po ajihe' je ende nondjila je, je mü ha-
mbelele uusiku nomüteña.

Ošinge joko Suomi, ojo haji pe aantu
uuanaua ouindji. Aantu no haje u zimbua
lula uo, ošoka ja li je noluhepo luešimbo
ljuutalala.

OMALIMBILILO.

Omalimbililo ogo omasike? Ogo omü-
ntu ngele kee ši ši ue naua, šoka e noku'o-
nga, nenge okupopja nenge okutezateza
momueño gue. Tala, ngele ua azika koši-
ponga, nenge koluhepo nenge to tondua
kaantu nošo tuu, omütondazi ta tameke
oku ku umba omalimbililo. Te ku nongo-
nene mokutsi no ta ti: Nima nenge Nima
muje tuu tamu zi ošiponga šoje te ku li.
Omütondi ta gueza po no ta ti: Ikuasa
muene, eša okutegelela ekuaso lja Kalunga.
No to tameke okulimbililua to ti: Ošinima
ošu uka, ošino nenge ošono? Osika otaši
zi peni? Mu Kalunga nenge maantu?
Kalunga pamue a zimbua ndje? Nena to
tameke oku mu itaala, ua zimbua ihe nke-
ne Oho megulu e ku sile nale ošimpuiju,
na nkene e ku endiša nohoole, omueño guo-
je gua kukuta, neñañu, nombili jokomue-
ño ja ji. Eitaalo ljoje li li pokusa. Otse na
ngoje ngele tu na omalimbililo, nena oo-
ha pu za Kalunga tazi ti: Ngoka e nomalimbi-
lilo, oje okua fekušikuši tali falafalua no
tali teleganišua kombepo. Jak. 1: 6

Ngele tua azika kuuzigu uasa, otatu
kolekua koohapu nzika: Ngu išanue ndje esi-
ku ljuuzigu uoje, ongame no tandi ku hu-
piša, ongoje e to simaneke ndje. Ps. 50: 15;
Mat. 21: 22.

S. Kandjimi.

Ajehe mboka je ku inekela kaje na
mpo taa siišua ohoni

Ps. 25: 3

OMUKANDA KU AVA VA LIKA KONGUE.

Ovakuetu nje ava mua lika kongue. Onda hala oku mu sangela, opo ndi mu popife neendjovo edi: Ndi si mu si si no kutja Haiñumbi ou mua lika naje, a fja, ina siiva vali afike kOnandjokue, a kuafue ngasi nje mua kuafua. Omolua sike a fja, nje inamu fja? Kalunga esi ine mu e fa mu fje ngasi je, okua hala mu diladile sike? Okua hala mu diladile ohole jaje inene, e mu hole najo. Ngasi ove Namueja Uandjedja, Kalunga e ku teelega efimbo lile. Eendjovo da Kalunga de ku hanga mOnañulo, ino di hala, natango u li popepi nado pEndola ino di hala. Kalunga a hala u diladile natango ñumbi e ku hole oñe e ku kongifa ongue, i kulje, opo u siive u puilikine ondaka jaje monandjokue. Tokola hano esi to ka ninga nge to di mo omo.

Omukuetu ove Moses ja Nambua, diladila sili ohole ja Kalunga, osesi ngeno ua file ngasi Haiñumbi ngeno oua ka ja peni, esi ua hangika ua efa Omukulili uoje? Tala hano ñumbi je e ku hole oñe a tuma ongue, i ku lje, opo u siive okunangala u ude, no u diladile ohole ja Kalunga inene sili. Konakona hano ohole ojo.

Muatale ua Heumbo! Ua mona Andreas Samuene, esi a li e nosituambe soskola momukunda ua ho, na ove ua uda esi a longa ndele ino hala ua hokua ounjuni. Ngeno ua fja ngasi Haiñumbi ngeno ua ja peni? Hamutenja ua Fotolela! Ndi si ua mona Mateus Seehama efimbo lilelile, eumbo laho li li popepi nosituambe soskola joje, u si si a udifila ovañu ohole ja Kalunga, ndele ino hala, ua hokua ounjuni Dja mo mounjuni.

Onje oomeme nje mua lika, diladileni ohole ja Kalunga oku mu hola apa i fike. Kalunga e mu hala, inamu mu ja vali oñapo, okue mu hala.

Onda kala noku mu diladila momueño uange, oñe nde mu sangela omakundilopo ange. A diladileni hano naua.

Andreas Kañalelo

OMÜSAMANE MANJA

šo kua şiki kevi ljoojina, okua kongo ko omafano ogendji, ge je mOmukuetu nošo uo oombapila ozindji. Ihe, iita jaatiligane je ja pokati no ja fa taji şitike ondjila. Galikaneni Kalunga, e ja paşanişe ombili nzijanzija.

SEMINARI

ji li po taji hala okutaamba aalongua aape omümvo ngoka tagu ja, petameko lja february ari. Ano ngele ui izimbulula. Kalunga okue ku işana u je moşilonga še, ka kundaşane nomüsita guegongalo ljaandjeni, oje e ku pukulule nkene u nokuninga. Mpaka u nokuzimbulukua, omüntu a koka ita taamba ue, na ngoka ina longua oşiafrikaans nokujalula naje uo ita taambua. Ihe, omboka ja lalekua, ja peua oonzapo zomanongelo gok Engela ljokOnguediva, nenge ljokOşigambo, ojo taje ja, ongele ja popilua kaalongi jago no Kaasita jomagongalo. Ipula ano, u tseje ehala lja Kalunga, u vulike ku je u mü longele manga ino mana oonkondo zuugundjuka uoje.

Omufita ueedi

Omuene Jesus e hole eedi, oñge a hala di lifue. Esi a njumuka koufi okua pa Petrus oşilonga sokulifa eedi. Esi e mu pa osilonga, okue mu pula jo ohole. Osesi osilonga oso otasi pula ohole, okuhola muenne uosilonga. Omukulili a pula Simon ohole, oñge epulo olo la etela Petrus omuštima ua njanjauka, oñge a ti asike: „Omueñe, ove u si si ndi ku hole.”

No nena Jesus ta jandje osilonga kovañu, ngasi e si jandjele ku Petrus. Ngasi ku novafita vomaongalo va peua osilonga ku Jesus. Ou udite tu Omukulili esi te ku pula ohole. Hano lifa eedi daje. Ovalongi novataleli novakuluñu veongalo onje tamu lombuelua ku Jesus: „Lifeni eedi ndange.”

Na ove u li mosihakulilo, pamue u udite eloloko okumangulula oipute jeedi noku i kosa. Tala esi Jesus te ku lombuele: „Lifa eedi dange.”

Ove elenga u nepangelo losilongo ile lomukunda. Didilika nokutja Kalunga e ku pa osilongo ile omukunda, opo u life eedi da Jesus, edi di li mo. Oñge ano nave puşlikina Jesus esi te ku lombuele: „Lifa eedi dange. Inamu fingonjona eedi Kofingo ile komatui! Inamu tala ovañu ngovapija venil Oipala jeni nai monike keedi ja jela, ngasi osipala sOmukulili sa kala aluse. Kaleni nado nohole nolukeno opo tamu siiva okumanga oipute jado pamue nOmuene. Joh. 21: 15—17.

Jesaja Ngitoolua

OONKUNDANA ZO KIILONGO.

Ngaši "Omüketu" N: 17 a hokolola aapangeli juujuni je li moonkundašana, taa jelekele okutokola oohapu zauo nombili, aantu jaa hingilašana iita. Ngašingeji tu uvu, nkene oohapu zauo ze ja nenge no ja tameke okumatukilašana. Miita je li mo ojo mboka: aajenglisa, naafransa naapole naanduisi. Ano, nge tatu zimbulukua aajapani naasjiena nkene ja azika nale momalugozi gauo, iilongo ja ningi ngeji 6 taji kondjo. Tu kaleni, hatu galikana Kalunga, Omükuaniihua guombili Jesus Kristus a tameke okupangela uujuni auhe noomüeno zaantu ajehe, ombili ji kale aluhe sigo aluhe.

Aauambo naahongi aakuilongo muka tua kumagizua, tu kale tatu longo iilonga jetu tu nombili. Omalugozi ngoka kage ši getu, no itatu hilua tu je mugo. Omolua šoka hatu hambelele Kalunga, no tatu mü galikana, oje a sile ohenda aantu ajehe mbejaka je li muuehame uiita. Tu ši ši uo, ojendji, nando je li pokati komalugozi, je nombili moomüeno zauo, ošoka Jesus ta lombuele aalongua je: "Muujuni otamu šiminikua naji, ihe, ikoleleni, ongame nda sinda uujuni."

Aanongeki

jamue ja tuminua omapulo omape, ogo majalulo. Otage mu humiša komitse no tage mu kuša mokulonga kueni okujalula, ošoka gamue gomugo ogo tuu ngano ne jene tamu ke ga nongeka menongelo ljaanonona. Onke — ndi ši — tamu ke ga nānu kilua.

Ihe pu na oombapila ozindji za tulua nokuli mo moompunda zazo, ihe nda nešngua oku zi tuma, ošoka aataambi jazo ja peua šito omapulo gehistori ljongerki INAJE GA GALULA NATANGO. Omüno ngeki ngoje, ino suuñe! Ziginina, u kondje šili, sigo ua mana, nangoje u hume komitse no mehistori ljongerki no mokujalula.



SIMON MUANDINGI,

omulongi omukueni meongalo lomOndobe, momukunda Eembahu, ke ko vali. A huli fa ouenda uaje meti 16/8 1939.

Oje a kala moskola jepukululo omido 6, m' Engela no mOniipa. A kala mosilonga sOmüene 1932 — 1938. Momudo 1939 oudu ue mu kuata neengono, ina dula vali okulonga. A kala mombete jomahakulilo omafimbo mahapu.

Oudu uomukolo ue mu kuata tete, fijo ue mu etela odindo olutu alise.

Efiku limue nda jile ponduda jaje jokuvelela, nda tala, ke li naua. Nde mu pula, ou li tuu naua? „Heeno. A ti jo oudu oo, tau longekidile nge nde ende no ndjila ja Kalunga." Hano paife oje ta tulus mukua, metulumuko laaluse.

„Omüenjo uaunge ua lolokela mu ame, nomütima uange ua kukutula moñulo jange." Ps. 143: 4.

A. M. Seujange.

EGALIKANO EŠIKE?

Otse aakriste inatu joolola natango omagalikano, ošoka oge li po opendji. Ope na egalikano ljopiikulja, pokulja no pokumana okulja. Ope na egalikano ljokulala nokupenduka. Ope na egalikano ljomuuike. Ngele tatu li otatu tumbula: Omüua ila u tu jambekele iikulja jetu jokolutu. Ngele tua mana tatu ti: Omüua tua pandula šo ue tu pe jokolutu, tu guezela joku müeño. Nongele tatu ka lala tatu ti: Omüua Kalunga kala putse uusiku mbuka uonena. Nongele tatu penduka tatu ti: Omüua tua pandula, ila išeue u uhale putse nena. Ngele tatu ji muuike otatu ti ngini? Omo ihe moka to popi šaa šoka ua hala oku ši tja. Oojaketu! Šika onde ši nola molu egalikano ndika inatu li joolola. Megalikano ljokulja omo tatu tula šaa šoka tua hala, tatu li ningi eleleka lja fa nokuli euvišo. Ngele to li nomüpagani, ita vulua, nenge nuunona mbuka uaa ši kugalikana megalikano ljoje itau toola mo ša. Ikongela ano eha ljoopala muuike uoje, uaa vundakaniše egalikano ljoje.

Ester Ihalua